

**AGENCIJA ZA OSIGURANJE  
U BOSNI I HERCEGOVINI**



**АГЕНЦИЈА ЗА ОСИГУРАЊЕ  
У БОСНИ И ХЕРЦЕГОВИНИ**

**INSURANCE AGENCY OF  
BOSNIA AND HERZEGOVINA**

---

**PREDNACRT**

***SREDNJOROČNI PLAN RADA  
AGENCIJE ZA OSIGURANJE U BOSNI I HERCEGOVINI***

***2024-2026.***

Dokument je pripremljen u skladu s Odlukom o postupku srednjoročnog planiranja, praćenja i izvještavanja u institucijama Bosne i Hercegovine (“Službeni glasnik BiH”, broj 62/14), Uputstvom o metodologiji u postupku srednjoročnog planiranja, praćenja i izvještavanja u institucijama Bosne i Hercegovine (“Službeni glasnik BiH”, broj 44/15) i Zakonom o ministarstvima i drugim organima uprave Bosne i Hercegovine (“Službeni glasnik BiH”, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17).

**Sarajevo, august 2024. godine**

## Poglavlje 1: Strateški okvir

Strateški pravac razvoja Agencije za osiguranje u Bosni i Hercegovini (u daljnjem tekstu: Agencija) urađen je u skladu sa zakonskim propisima koji regulišu oblast osiguranja, Srednjoročnim programom rada Vijeća ministara Bosne i Hercegovine i Srednjoročnim programom rada Agencije.

U skladu sa Strateškim okvirom institucija Bosne i Hercegovine do 2030. godine, u okviru opštih principa razvoja, mandat Agencije doprinosi Osiguranju održivog i pametnog ekonomskog razvoja koji treba da se temelji na povećanju produktivnosti i zaposlenosti. Da bi se navedeno postiglo neophodno je uspostavljati okruženje za razvoj poduzetništva i inovacija.

Prioritet kojem doprinosi Agencija a koji proizlazi iz strateškog cilja Osiguranje održivog i pametnog ekonomskog razvoja je *Poticajno okruženje za razvoj*.

U Strateškom okviru institucija Bosne i Hercegovine do 2030. godine istaknuto je da politike jačanja poduzetništva u Bosni i Hercegovini trebaju značajnu pažnju posvetiti olakšavanju osnivanja i gašenja kompanija.

Harmonizovanje zakona u djelatnosti osiguranja na cijelom tržištu Bosne i Hercegovine kao i njihovo usklađivanje sa standardima Evropske unije u mjeri u kojoj to podržava stepen razvoja domaćeg tržišta osiguranja doprinijelo bi uspostavi konkurentnijeg ekonomskog okruženja i smanjenju problema sa kojima se učesnici na tržištu osiguranja u Bosni i Hercegovini susreću.

Slobodan protok roba i kapitala su jedni od ključnih principa jedinstvenog evropskog tržišta i Bosna i Hercegovina se mora fokusirati na preuzimanje propisa Evropske unije koji se odnose na unutrašnje tržište i trgovinu. U izvještajima za Bosnu i Hercegovinu, Evropska komisija naglašava jačanje regulatornih ovlasti Agencije, uspostavljanje kapaciteta za arbitražu na državnom nivou u sporovima između entitetskih agencija za osiguranje, te uspostavljanje djelotvornog mehanizma za izvršenje odluka Agencije.

Srednjoročni plan rada Agencije za osiguranje u Bosni i Hercegovini predstavlja okvir unutar rada Agencije, definiše prioritete i srednjoročne ciljeve i potrebe, kao i viziju osnovnih segmenata rada i djelovanja u narednom trogodišnjem periodu.

Srednjoročni cilj Agencije povezan je i izveden iz strateških ciljeva utvrđenih Strateškim okvirom institucija Bosne i Hercegovine do 2030. godine i Srednjoročnim programom rada Vijeća ministara Bosne i Heregovine, za period od 2024. do 2026. godine i njegovo ostvarivanje zasniva se na realizaciji specifičnih ciljeva, kao i provođenju programa i projekata.

### 1.2. Mandat institucije

Agencija je osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) kao samostalna upravna organizacija koja za svoj rad odgovara Vijeću ministara Bosne i Hercegovine.

Ciljevi Agencije su:

- da ostvari jedinstvenu primjenu zakona o osiguranju između entiteta;
- da ostvari nesmetanu i djelotvornu saradnju između agencija za nadzor osiguranja u Federaciji Bosne i Hercegovine i Republici Srpskoj;
- da ostvari primjenu i tumačenje entitetskih zakona na pravičnoj i jedinstvenoj osnovi;
- da ostvari usaglašenost zakona o osiguranju koje je na snazi u entitetima u cilju da se osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine;
- da ostvari jednaku pravnu zaštitu kako za ugovarače osiguranja, tako i za treću stranu - podnosiocce odštetnih zahtjeva na teritoriji Bosne i Hercegovine;
- da ostvari koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, kao i obavljanje kontinuirane saradnje sa istim;
- da ostvari kontinuiranu saradnju s agencijama za nadzor osiguranja entiteta i Brčko Distrikta, rješavanje sporova između agencija za nadzor osiguranja u pogledu jedinstvenog tumačenja i primjene zakona o osiguranju na nivou entiteta i Brčko Distrikta i izdavanje pismenih odluka i mišljenja kojima se osigurava jedinstvena primjena zakona o osiguranju;
- da osigura i vodi sve relevantne podatke o cjelokupnom tržištu osiguranja u Bosni i Hercegovini;
- preko Upravnog odbora podnošenje inicijative entitetskim ministarstvima finansija za primjenu propisa Evropske unije ili smjernica za usaglašavanje entitetskih zakona i za usklađenost sa propisima Evropske unije;
- preko Upravnog odbora podnošenje inicijative entitetskim ministarstvima finansija za izmjene i dopune postojećih entitetskih zakona u oblasti osiguranja, uključujući prijedloge za druge vrste osiguranja;
- davanje saglasnosti za izmjene i dopune entitetskih zakona o osiguranju koje su predložene od jednog ili oba entiteta;
- međunarodni odnosi Bosne i Hercegovine u oblasti osiguranja;
- poslovi davanja svih podataka koje može zahtijevati Evropska unija u vezi sa praksom osiguranja u Bosni i Hercegovini u cilju procjenjivanja harmonizacije zakona Bosne i Hercegovine sa standardima Evropske unije;
- uređivanje pitanja koja se odnose na bilo kakvo osiguranje izvoznih kredita koje se nudi izvoznicima osnovanim u Bosni i Hercegovini;

- predstavljanje Bosne i Hercegovine u pogledu osnivanja podružnica ili supsidijarnih društava osiguravajućih društava ili posrednika osnovanih u bilo kojem entitetu ili Brčko Distriktu i u trećim zemljama, uz preporuku odgovarajuće entitetske agencije za nadzor osiguranja;
- koordinacija i saradnja između odgovarajuće entitetske agencije za nadzor osiguranja i odgovarajuće agencije za nadzor osiguranja u trećoj zemlji;
- zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- saradnja s entitetskom agencijom za nadzor osiguranja u svim slučajevima kada to zahtijeva agencija za nadzor osiguranja druge zemlje;
- da vrši ovjeru potvrde o margini solventnosti izdatoj za upotrebu u trećoj zemlji, od bilo koje agencije za nadzor osiguranja, za bilo koje društvo za osiguranje osnovano u Bosni i Hercegovini koje namjerava osnovati podružnicu u trećoj zemlji;
- prosljeđivanje podataka entitetskim agencijama za nadzor osiguranja u pogledu međunarodne prakse osiguranja, međunarodne statistike osiguranja i drugih podataka dobijenih kroz učešće na međunarodnim forumima osiguranja, a koji mogu biti od pomoći agencijama za nadzor osiguranja u obavljanju njihovih funkcija;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u Bosni i Hercegovini;
- podnošenje statističkih izvještaja, u ime Bosne i Hercegovine, Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

## **Poglavlje 2: Vizija i misija**

### **2.1 Vizija**

Vizija Agencije je stabilno tržište osiguranja Bosne i Hercegovine, uređeno međuentitetski usaglašenim zakonima, baziranim na međunarodnim standardima osiguranja uvažavajući stepen razvijenosti domaćeg sektora osiguranja.

### **2.2 Misija**

Unapređenje tržišta osiguranja Bosne i Hercegovine kroz harmonizaciju zakona, rješavanje sporova između entitetskih agencija za nadzor osiguranja, predstavljanje i zastupanje Bosne i Hercegovine u organizacijama koje se bave osiguranjem, uspostava jedinstvenog statističkog servisa i praćenje rada Biroa zelene karte u Bosni i Hercegovini koristeći međunarodno prihvatljive standarde kako bi se postigao jednakopravni tretman svih

učesnika na tržištu osiguranja u cilju pružanja što kvalitetnijih usluga građanima i zaštitili njihovi interesi.

### **Poglavlje 3: Učesnici i partneri**

Agencija u obavljanju aktivnosti propisanih Zakonom o Agenciji za osiguranje u Bosni i Hercegovini saraduje sa institucijama i organizacijama u zemlji i inostranstvu.

U okviru svojih nadležnosti Agencija u zemlji saraduje sa slijedećim institucijama:

- Zajedničkom komisijom za ekonomske reforme i razvoj oba doma Parlamentarne skupštine Bosne i Hercegovine;
- Agencijom za nadzor osiguranja Federacije Bosne i Hercegovine;
- Agencijom za osiguranje Republike Srpske;
- Biroom zelene karte u Bosni i Hercegovini;
- Udruženjima društava za osiguranje i reosiguranje u Federaciji Bosne i Hercegovine i Republici Srpskoj;
- Udruženjem aktuara u Bosni i Hercegovini;
- Osiguravajućim i reosiguravajućim društvima;
- Zaštitnim fondom Federacije Bosne i Hercegovine i Zaštitnim fondom Republike Srpske;
- Ministarstvom finansija i trezora Bosne i Hercegovine, Federalnim ministarstvom finansija, Ministarstvom finansija Republike Srpske;
- Ministarstvom sigurnosti Bosne i Hercegovine;
- Direkcijom za evropske integracije;
- Direkcijom za ekonomsko planiranje Vijeća ministara Bosne i Hercegovine;
- nevladinim sektorom;
- Drugim institucijama i organizacijama u okviru obavljanja svakodnevnih aktivnosti.

U okviru međunarodnih odnosa Agencija saraduje sa:

- Nadzornim i regulatornim organima zemalja okruženja i zemalja članica Evropske unije;
- European Insurance and Occupational Pensions Authority (EIOPA);
- Međunarodnom asocijacijom supervizora (IAIS);
- Financial Stability Institute (FSI);
- Udruženjima i organizacijama u zemljama regiona koje se bave unaprijeđenjem djelatnosti osiguranja;
- UNDP-om
- Italian Banking Insurance and Finance Federation.

Agencija od osnivanja ima intezivnu međunarodnu saradnju sa institucijama i organizacijama u cilju razmjene iskustava i primjene najboljih praksi u sektoru osiguranja.

Obzirom da je uspostavljena saradnja sa svim relevantnim institucijama i organizacijama na domaćem i međunarodnom tržištu, prostor za unapređenje saradnje postoji tako da Agencija i u narednom periodu planira aktivnosti saradnje sa svim relevantnim institucijama i organizacijama u okviru svojih nadležnosti.

### **Poglavlje 4: Osnovna programska opredjeljenja**

Srednjoročni cilj Agencije povezan je sa strateškim ciljevima utvrđenim Strateškim okvirom za Bosnu i Hercegovinu i izveden iz Srednjoročnog programa rada Vijeća ministara Bosne i

Hercegovine. Ostvarivanje srednjoročnog cilja zasniva se na realizaciji specifičnog cilja, kao i provođenju programa i projekata u Agenciji. Prilikom definisanja ciljeva koristi se SMART metoda, odnosno, svi ciljevi treba da su:

- S – Specific (Specifičan)
- M - Measurable (Mjerljiv)
- A – Achievable (Ostvariv)
- R – Realistic (Realan u odnosu na resurse)
- T – Time bound (Vremenski ograničen).

Specifični cilj Agencije određen je na osnovu mandata i misije Agencije, a u skladu sa nadležnostima, definisan je jedan specifični cilj. Program, koji je instrument za realizaciju cilja, sastoji se od dva projekta, a projekti od skupa aktivnosti koje vode ka ostvarenju zajedničkog cilja.

Detaljan pregled programa i projekata Agencije, kao i pokazatelja uspjeha i rezultata prikazan je u Prilogu 1 – Akcioni plan srednjoročnog plana rada Agencije za osiguranje u Bosni i Hercegovini.

#### 4.1 Srednjoročni cilj

Srednjoročni cilj kojem doprinosi i Agencija definisan je od strane Direkcije za ekonomsko planiranje i konsolidovan na nivou više institucija koje doprinose istom strateškom cilju.

**Srednjoročni cilj:** *Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.*

#### 4.2. Specifični cilj

U skladu sa definisanim srednjoročnim ciljem, Agencija je definisala jedan specifični cilj. Specifični cilj utvrđen srednjoročnim planom Agencije za osiguranje u Bosni i Hercegovini je:

*Povećati usklađenost zakona i međunarodnu saradnju na tržištu osiguranja u Bosni i Hercegovini.*

#### 4.3. Programi i projekti

U skladu sa definisanim srednjoročnim ciljem i specifičnim ciljem određen je jedan program i dva projekta za njihovu realizaciju koji su prikazani u sljedećoj tabeli:

<b>Specifični cilj:</b> Povećati usklađenost zakona i međunarodnu saradnju na tržištu osiguranja u Bosni i Hercegovini	
<b>Program 1.1.</b> Usklađenost	Projekt 1.1.1 Harmonizacija zakona i arbitraža

U skladu sa Zakonom o Agenciji za osiguranje u Bosni i Hercegovini Agencija je samostalna upravna organizacija nadležna za jedinstvenu primjenu zakona o osiguranju između entiteta, kao i osiguranje nesmetane i djelotvorne saradnje između agencija za nadzor osiguranja u Federaciji BiH i Republici Srpskoj, te osiguranje da se entitetski zakoni primjenjuju i tumače na pravičnoj i jedinstvenoj osnovi. Agencija je odgovorna za međunarodne odnose BiH na polju osiguranja, zaključivanje ugovora o saradnji za razmjenu podataka sa nadležnim organima drugih zemalja, uz saradnju s entitetskim agencijama za nadzor osiguranja i vođenje statistike o aktivnosti tržišta osiguranja u BiH. Upravni odbor odgovoran je za predlaganje zakona i drugih akata na nivou entiteta, kao i izmjena i dopuna postojećih zakona iz ove oblasti, davanje saglasnosti na nacрте, odnosno prijedloge zakona i drugih akata, koje predloži jedan ili oba entiteta. Upravni odbor je nadležan za arbitražu u slučaju sporova između entitetskih agencija za osiguranje. Upravni odbor ima sedam članova, od kojih po dva člana predlažu entitetska ministarstva finansija i to po jednog člana iz nadležnog ministarstva finansija, a drugog iz oblasti osiguranja, dok druga dva člana i predsjednika Upravnog odbora imenuje Vijeće ministara Bosne i Hercegovine.

U skladu sa Zakonom o federalnim ministarstvima i drugim tijelima federalne uprave („Službene novine Federacije BiH“, br. 19/03, 38/05, 2/06, 8/06, 61/06, 52/09, 8/10-OUS i 48/11) Federalno ministarstvo finansija je nadležno za sistem osiguranja imovine i osoba u Federaciji BiH. U skladu sa Zakonom o osiguranju („Službene novine Federacije BiH“, br. 23/17 i 103/21) Agencija za nadzor osiguranja FBiH ima regulatornu i nadzornu funkciju nad poslovanjem društava za osiguranje, te posrednika u osiguranju, kao supervizorska institucija u industriji osiguranja. Agencija za nadzor osiguranja FBiH je samostalna i nezavisna neprofitna institucija, koja za svoj rad odgovara Vladi Federacije BiH.

U Republici Srpskoj, kao nadzorni i regulatorni organ za oblast osiguranja uspostavljena je Agencija za osiguranje Republike Srpske, dok je Ministarstvo finansija Republike Srpske nadležni obrađivač zakona iz oblasti osiguranja i isto je nadležno za analizu stanja i predlaganje strateških razvojnih pravaca sektora osiguranja.

Kroz realizaciju specifičnog cilja Agencija treba realizovati osnovnu ulogu na tržištu a to je osigurati da zakoni u oblasti osiguranja budu ujednačeni kako bi se obezbijedio jednak i ravnopravan odnos prema svim društvima za osiguranje i da se osigura jednaka pravna zaštita za ugovarače osiguranja i za podnosiocе odštetnih zahtjeva u Bosni i Hercegovini.

Zakoni i podzakonski akti kojim je regulisana oblast osiguranja u entitetima nisu u potpunosti harmonizirani. Realiziranjem specifičnog cilja kroz pripadajući program i projekte u narednom periodu i realiziranjem zakonodavne uloge Upravnog odbora Agencije u procesu donošenja zakona iz oblasti osiguranja, nastojat će se postići veća uloga Agencije u procesu harmoniziranja zakona i podzakonskih akata, a što bi doprinjelo većem stepenu harmonizovanih zakona u oblasti osiguranja u Bosni i Hercegovini.

Međunarodna saradnja u sektoru osiguranja je od izuzetnog značaja iz razloga što se radi o specifičnim uslugama u oblasti osiguranja i potrebi saradnje institucija koje se bave regulativom, nadzorom i kontrolom učesnika na tržištu. Sve to vodi ka stvaranju jedinstvenog prostora u sektoru osiguranja koje bi osiguralo neometano odvijanje svih

aktivnosti između osiguravajućih i reosiguravajućih društava kako u zemlji tako i van njenih granica.

Agencija će u saradnji sa entitetskim agencijama za nadzor osiguranja poduzeti sve neophodne aktivnosti kako bi se doprinijelo unapređenju saradnje sa regulatornim organima drugih zemalja kao i unaprijedio nadzor i regulacija sektora osiguranja u Bosni i Hercegovini.

Statistički podaci u osiguranju kao i pokazatelji koji se dobivaju na osnovu prikupljenih podataka su od velikog značaja u cilju praćenja trendova i izračuna za rizike koje osiguravajuća društva preuzimaju u svoj portfelj.

Kroz program i projekte u okviru ovog cilja planirane su aktivnosti koje će doprinijeti unapređenju prikupljanja statističkih podataka, njihovu obradu i objavljivanje.

## **Poglavlje 5: Resursi i kapaciteti potrebni za postizanje ciljeva**

### **5.1. Predviđeni izvori finansiranja**

Za realizaciju programa i pripadajućih projekata, a u cilju implementacije postavljenog srednjoročnog i specifičnih ciljeva definisanih Srednjoročnim planom rada Agencije za osiguranje u Bosni i Hercegovini za period 2024-2026. godina, planirano je ukupno 1.941.000 KM sredstava iz budžeta institucija Bosne i Hercegovine. Troškovi koji su planirani u toku realizacije srednjoročnog plana rada Agencije za osiguranje u Bosni i Hercegovini odnose se na bruto plate i naknade, naknade troškova zaposlenih, izdatke za materijal i usluge.

### **5.2. Organizacioni kapaciteti**

Vijeće ministara Bosne i Hercegovine je na 7. sjednici održanoj 30.03.2023.godine dalo saglasnost na novi Pravilnik o unutrašnjoj organizaciji Agencije za osiguranje u Bosni i Hercegovini koji je stupio na snagu 25.04.2023.godine. Ovim Pravilnikom je zadržana ista struktura i broj izvršilaca kakvu je predviđao i raniji Pravilnik o unutrašnjoj organizaciji Agencije. Prema Pravilniku o unutrašnjoj organizaciji Agencije za osiguranje u Bosni i Hercegovini predviđeno je da poslove i zadatke iz područja rada Agencije obavlja ukupno 11 izvršilaca. U Agenciji je trenutno popunjeno deset radnih mjesta.

U cilju kadrovske jačanja kapaciteta, planirana je i edukacija i stručno osposobljavanje zaposlenih u određenim oblastima kako bi se poslovi iz nadležnosti Agencije obavili kvalitetno i blagovremeno, a naročito zbog specifičnosti oblasti osiguranja, gdje su potrebne edukacije vezane za industriju osiguranja.



## Poglavlje 6: Okvir za praćenje provođenja plana i evaluacija rezultata

### 6.1 Definisane ključnih pokazatelja

Prilikom definisanja Srednjoročnog plana rada Agencije za osiguranje u Bosni i Hercegovini, postavljena je jasna hijerarhija ciljeva i pripadajućih programa i projekata. U skladu sa hijerarhijom, definisani su ključni pokazatelji koji omogućavaju mjerenje napretka u ostvarivanju rezultata, i to:

- pokazatelji
- polazna vrijednost
- ciljane vrijednosti

U okviru Srednjoročnog plana rada Agencije za osiguranje u Bosni i Hercegovini mjeri se postizanje rezultata na nivou projekata, programa i ciljeva. Pokazatelji vezani za projekte su najčešće kvantitativni i definisani su na godišnjem nivou.

Važno je napomenuti da na ostvarivanje ciljeva na ovom nivou utiče više aktera i faktora, tako da je često teško utvrditi doprinos Agencije ostvarenju definisanih rezultata.

Ključni pokazatelji uspješnosti ostvarenja srednjoročnog cilja Agencije *Unaprijediti sistem infrastrukture kvaliteta u skladu sa EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije*, su definisani i navedeni u prilogu 1. u okviru Akcionog plana srednjoročnog plana rada Agencije za osiguranje u Bosni i Hercegovini.

### 6.2. Metode za prikupljanje informacija o pokazateljima

Agencija informacije o pokazateljima rezultata i pokazateljima uspjeha prikuplja iz svih dostupnih izvora koji su na raspolaganju.

### 6.3. Osnovni zaključci prethodnog Izvještaja o provođenju plana rada

Odlukom o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14) i Zakonom o izmjenama i dopunama zakona o ministarstvima i drugim organima uprave Bosne i Hercegovine („Službeni glasnik BiH“, broj 19/16) propisana je obaveza izrade srednjoročnog plana rada institucija sa početkom primjene 01.01.2015. godine.

Novim Pravilnikom o unutrašnjoj organizaciji Agencije je zadržana ista struktura i broj izvršilaca kakvu je predviđao i raniji Pravilnik o unutrašnjoj organizaciji Agencije (11 radnih mjesta od čega: 1 rukovodeći državni službenik-direktor, 10 državnih službenika i 1 zaposlenik), pa su i dalje ključni problem u provođenju programa rada za 2022. i 2023. godinu nedovoljni kadrovski kapaciteti Agencije, u smislu specifičnih radnih mjesta i broja izvršilaca, zbog kojih je realizacija programskih aktivnosti u okviru planiranih rokova bila otežana.

## **Poglavlje 7: Prilozi**

- Prilog: - Akcioni plan Srednjoročnog plana rada Agencije za osiguranje u Bosni i Hercegovini
- Pregled zakona, drugih propisa i razvojno-investicionih projekata/programa predviđenih Srednjoročnim planom rada Agencije za osiguranje u Bosni i Hercegovini

AKCIONI PLAN SREDNJOROČNOG PLANA RADA AGENCIJE ZA OSIGURANJE U BiH																				
Strateški cilj: Osigurati održiv i pametan ekonomski razvoj																				
Prioritet: Poticajno okruženje za razvoj																				
1	2	3	4	5	6	7	8	9	10	11	12	13	14	15	16	17	18	19	20	21
				Okvir za mjerenje ostvarenja							Procjena troškova				Izvori finansiranja					
Srednjoročni cilj	Specifični ciljevi	Programi	Projekat	Institucija odgovorna za implementaciju	Pokazatelj	Jedinica mjerenja (% , broj ili opisno)	Polazna vrijednost godina 2023	Ciljana vrijednost godina 2024	Ciljana vrijednost godina 2025	Ciljana vrijednost godina 2026	Procijenjeni troškovi godina 2024	Procijenjeni troškovi godina 2025	Procijenjeni troškovi godina 2026	Ukupno troškovi	Budžet	Kredit	Donacije	Ostali izvori	Ukupno	Program u DOB-u
Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	1. Povećati usklađenost zakona i međunarodnu saradnju na tržištu osiguranja u BiH	Program 1.1. Usklađenost propisa na tržištu osiguranja u BiH		AZOBiH	Medusobna usaglašenost entitetskih zakona u oblasti osiguranja u Bosni i Hercegovini	Opisno	Djelimično usaglašeni	Djelimično usaglašeni	Potpuno usaglašeni	Potpuno usaglašeni	644.000	646.000	651.000	1.941.000	1.941.000	-	-	-	1.941.000	0411270
					Usklađenost entitetskih zakona u oblasti osiguranja u BiH sa propisima EU	Opisno	Djelimično usklađeni	Djelimično usklađeni	Djelimično usklađeni	Djelimično usklađeni										
					Saradnja sa međunarodnim i domaćim institucijama u oblasti tržišta osiguranja	Opisno	Unaprijedena u odnosu na 2022. godinu	Unaprijedena u odnosu na 2023. godinu	Unaprijedena u odnosu na 2024. godinu	Unaprijedena u odnosu na 2025. godinu										
					AZOBiH	Broj dostavljenih akata relevantnim institucijama	Broj	2	3	3	3									
				AZOBiH	Broj akata koji su predloženi UO	Broj	1	1	1	1	644.000	646.000	651.000	1.941.000	1.941.000	-	-	-	1.941.000	0411270
				AZOBiH	Broj akata koji su doneseni od strane UO	Broj	1	1	1	1										

				Obuhvaćenost tržišnih pokazatelja za sektor osiguranja u izvještajima i publikacijama	%	87	88	90	90										
				Izvršene obaveze prema međunarodnim tijelima u oblasti osiguranja	Opisno	Da	Da	Da	Da										
		Projekat 1.1.1. Harmonizacija zakona i arbitraža	AZOBiH	Broj tabela uskladenosti odredaba entitetskih zakona u oblasti osiguranja u Bosni i Hercegovini sa propisom Evropske unije dostavljene direktorici Agencije	Broj	1	1	1	1	322.000	323.000	325.500	970.500	970.500	-	-	-	970.500	0411270
				Broj tabela uskladenosti odredaba entitetskih zakona u oblasti osiguranja u Bosni i Hercegovini sa propisom Evropske unije odobren od strane direktorice Agencije	Broj	1	1	1	1										
		Projekat 1.1.2. Statistički servis i međunarodna saradnja	AZOBiH	Proizvedeni pouzdani statistički podaci za sektor osiguranja	Opisno	Da	Da	Da	Da	322.000	323.000	325.500	970.500	970.500	-	-	-	970.500	0411270
				Realizirani sastanci na međunarodnom nivou	Opisno	Da	Da	Da	Da										

PREGLED ZAKONA, DRUGIH PROPISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROČNIM PLANOM RADA AGENCIJE ZA OSIGURANJE U BiH								
Strateški cilj: Osigurati održiv i pametan ekonomski razvoj								
Prioritet: Poticajno okruženje za razvoj								
1	2	3	4	5	6	7	8	9
Srednjoročni cilj	Specifični ciljevi	Programi	Zakoni	Podzakonski akti	Usklađivanje s pravnim naslijedom EU-a (DA ili NE)	Planirani period za donošenje	Naziv projekta javnih investicija	Očekivani period realizacije
Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	Povećati usklađenost propisa i međunarodnu saradnju na tržištu osiguranja u BiH	Usklađivanje propisa na tržištu osiguranja u BiH	Zakon o izmjenama i dopunama Zakona o Agenciji za osiguranje u Bosni i Hercegovini		NE	2024. GODINA		

Broj:  
Sarajevo,

**DIREKTORICA**  
**Emina Jahić**